



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

Broj: 01/14-04-5088/25
Sarajevo: 25.09.2025. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH”, br. 12/03, 34/03 i 65/13), a u vezi sa članom 20. i člana 24. Statuta Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „Sarajevo” d.o.o. („Službene novine Kantona Sarajevo”, br. 13/17) i Odluke o izmjenama Statuta JP Sarajevo d.o.o., broj: 01-05-SP-2756/19 od 31.10.2019. godine, te člana 4. Odluke o proceduri, uslovima i standardima imenovanja članova Skupštine javnih preduzeća čiji je osnivač Grad Sarajevo („Službene novine Kantona Sarajevo”, br. 27/21 i 45/21), gradonačelnik Grada Sarajeva raspisuje:

JAVNI OGLAS
za izbor i imenovanje predsjednika Skupštine Javnog preduzeća za
upravljanje, zaštitu i održavanje objekata Grada Sarajeva i obavljanje komunalnih
i drugih djelatnosti od javnog interesa Grada Sarajeva „SARAJEVO” d.o.o.
(JP „Sarajevo” d.o.o.)

Objavljuje se Javni oglas za izbor i imenovanje predsjednika i 2 (dva) člana Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „SARAJEVO” d.o.o. (JP „Sarajevo” d.o.o.), (u daljnjem tekstu: Skupština Preduzeća).

I Opis upražnjene pozicije

Predsjednik Skupštine:

- saziva sjednice Skupštine na vlastitu inicijativu, inicijativu člana Skupštine, inicijativu predsjednika ili člana Nadzornog odbora, inicijativu predsjednika ili člana Odbora za reviziju i direktora Preduzeća;
- predsjedava, odnosno rukovodi sjednicama Skupštine;
- potpisuje odluke i druge akte Skupštine.

U odsustvu predsjednika Skupštine, njegovu funkciju preuzima član Skupštine kojeg on ovlasti.

II Opis upražnjene pozicije

Skupština Preduzeća je nadležna da samostalno odlučuje o:

1. Imenovanju i razrješenju predsjednika i članova Nadzornog odbora
2. Imenovanju i razrješenju predsjednika i članova Odbora za reviziju
3. Visini i načinu isplate naknada predsjedniku i članovima Nadzornog odbora
4. Visini i načinu isplate naknada predsjedniku i članovima Odbora za reviziju
5. Usvajanju ili neusvajanju godišnjeg izvještaja o poslovanju Preduzeća koji uključuje finansijski izvještaj i izvještaj Nadzornog odbora, Odbora za reviziju i revizora
6. Odobravanju plana poslovanja, plana nabavki, strategije Preduzeća i investicija Preduzeća te ostvarivanju trajne poslovne saradnje sa drugim društvima na prijedlog Uprave i/ili Nadzornog odbora
7. Kupovini, prodaji, zamjeni, uzimanju lizinga i kredita te drugim transakcijama imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti imovine Preduzeća po bilansu stanja na kraju prethodne godine, na prijedlog Uprave i/ili Nadzornog odbora
8. Izuzimanju stalnih sredstava i korištenje fonda rezervi u Preduzeću na prijedlog Uprave i/ili Nadzornog odbora

Adresa: Hamdije Kreševljakovića 3

71 000 Sarajevo

Tel.: +387 33 407 443

Fax: +387 33 208 341

Email: grad@sarajevo.ba

Web: www.sarajevo.ba



9. Donošenju Poslovnika o radu Skupštine Preduzeća
10. Donošenju Etičkog kodeksa na prijedlog Nadzornog odbora
11. Davanju Saglasnosti na interne opće akte preduzeća (Pravilnik o radu, Pravilnik o unutrašnjoj organizaciji i sistematizaciji radnih mjesta, Pravilnik o platama i drugim naknadama i drugo) te njihovim izmjenama i dopunama, na prijedlog Uprave
12. Drugim pitanjima bitnim za poslovanje Preduzeća.

Skupština Preduzeća je nadležna da uz Saglasnost Gradskog vijeća odlučuje o:

1. Donošenju Statuta Preduzeća i njegovim izmjenama i dopunama
2. Raspodjeli godišnje dobiti i pokriću gubitka
3. Povećanju i smanjenju osnovnog kapitala
4. Statusnih promjena Preduzeća
5. Osnivanju novih društava

Svi kandidati moraju ispunjavati sljedeće opće i posebne uslove:

III Opći uslovi za kandidate Skupštine Preduzeća:

- a) da je državljanin BiH (dokaz: uvjerenje o državljanstvu);
- b) da je stariji od 18 godina (dokaz: izvod iz matične knjige rođenih);
- c) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije (izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa);
- d) da se na tog kandidata ne odnosi član IX. 1. Ustava Bosne i Hercegovine (izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa);
- e) da nema privatni/finansijski interes u Preduzeću (JP „SARAJEVO” d.o.o.), dokaz: izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa;
- f) da nije osuđivan za krivično djelo i za privredni prestup nespojiv sa dužnošću u Skupštini Preduzeća 5 godina od dana pravosnažne presude uključujući vrijeme zatvorske kazne,
- g) da nije lice kojem je presudom suda zabranjeno obavljanje aktivnosti iz nadležnosti Skupštine Preduzeća,
- h) da ne postoje druge zakonske smetnje za obavljanje funkcije u Skupštini Preduzeća.

IV Posebni uslovi za poziciju predsjednika Skupštine Preduzeća

- a) da kandidat posjeduje univerzitetsku diplomu – VSS (VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 240 ECTS bodova),
- b) najmanje 5 (pet) godina radnog staža nakon sticanja VSS,
 - i) da nije direktor javnog preduzeća (dokaz: izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa);
 - j) da kandidat nije izabrani dužnosnik ili imenovani dužnosnik u izvršnoj vlasti u Bosni i Hercegovini.

V Mandat

Predsjednik i članovi Skupštine preduzeća imenuju se istovremeno na period od 4 (četiri) godine.

Predsjednik Skupštine preduzeća zaključuje ugovor sa preduzećem na osnovu Odluke Gradskog vijeća Grada Sarajeva donesene na prijedlog gradonačelnika Grada Sarajeva po provedenoj oglasnoj proceduri u skladu sa Zakonom o ministarskim, vladinim i drugim imenovanjima Federacije Bosne i Hercegovine. Ugovor u ime Preduzeća potpisuje direktor.

Predsjednik i članovi Skupštine Preduzeća imaju pravo na naknadu za obavljanje dužnosti u mjesečnom iznosu od po 450,00 KM, uz uslov da se u tom mjesecu održi Skupština Preduzeća, odnosno na naknadu u skladu sa odlukom Gradskog vijeća Grada Sarajeva.

Kandidati s kojima se ne stupi u kontakt u roku od 8 (osam) dana od dana isteka roka za podnošenje prijave neće se uzeti u obzir u razmatranje u daljnjem procesu kandidovanja.

Kandidatima koji ne ispunjavaju uslove oglasa neće se dostavljati pisane odbijenice.

VI Spisak potrebnih dokumenta

Kandidati su dužni, uz prijavu, koja sadrži biografiju s kratkim i preciznim pregledom profesionalnih aktivnosti i radnog iskustva te adresu i broj kontakt telefona, priložiti originalne dokumente ili ovjerene kopije dokumenta i to:

1. uvjerenje o državljanstvu BiH;
2. izvod iz matične knjige rođenih;
3. dokaz o stručnoj spremi (ovjerenu kopiju univerzitetske diplome);
4. uvjerenje ili potvrdu o radnom stažu;
5. ovjerenu kopiju CIPS-ove prijave;
6. izjava ovjerena od strane nadležnog općinskog organa da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri (3) godine prije dana objavljivanja upražnjene pozicije, ne starija od dana objave ovog Javnog oglasa;
7. izjava ovjerena od strane nadležnog općinskog organa da se na njega ne odnosi član IX.1. Ustava Bosne i Hercegovine;
8. izjava ovjerena od strane nadležnog općinskog organa da nije izabrani dužnosnik ili imenovani dužnosnik u izvršnoj vlasti na svim nivoima vlasti u Bosni i Hercegovini;
9. izjava ovjerena od strane nadležnog općinskog organa da nema privatni/finansijski interes u Preduzeću (JP „Sarajevo“ d.o.o.);
10. izjava ovjerena od strane nadležnog općinskog organa da ne postoje druge zakonske smetnje za obavljanje aktivnosti iz nadležnosti Skupštine Preduzeća.

Kandidat koji prođe izbor dužan je dostaviti uvjerenje da nije osuđivan za krivično djelo i za privredni prestup nespojiv sa dužnošću u Skupštini Preduzeća iz oblasti privrednog i finansijskog kriminala (izdaje MUP), ne starije od 6 mjeseci, kao i uvjerenje o nekažnjavanju (izdaje sud) ne starije od 6 mjeseci.

VII Ostale napomene

Svi kandidati koji uđu u uži izbor bit će pozvani na intervju koji će biti obavljen u skladu sa članom 11. Zakona o ministarskim, vladinim i drugim imenovanjima u FBiH.

Kandidati koji ispunjavaju kriterije za imenovanje i koji se nađu na listi s užim izborom i budu pozvani na intervju, dužni su u toku njegovog trajanja popuniti obrazac u kome su dužni iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja, te dati podatke o odgovarajućem broju ranijih neposrednih rukovodilaca od kojih se mogu dobiti preporuke i informacije o kandidatima.

Nakon provedenog intervjua i na osnovu u potpunosti dokumentovanih odluka svakog člana komisije, Komisija za izbor će putem pisane preporuke predložiti rang listu sa najboljim kandidatima gradonačelniku Grada Sarajeva na daljnje razmatranje.

Odluku o imenovanju predsjednika Skupštine Preduzeća donosi Gradsko vijeće Grada Sarajeva na prijedlog gradonačelnika Grada Sarajeva.

Rok za podnošenje prijava na Javni oglas je 15 dana od dana objavljivanja u „Službenim novinama Federacije BiH“, a isti će biti objavljen u jednim dnevnim novinama, kao i na web stranici Grada Sarajeva.

Lični podaci o kandidatima su tajni i mogu se prikupljati i obrađivati u skladu sa odredbama Zakona o zaštiti ličnih podataka BiH („Službeni glasnik BiH”, br. 49/06, 76/11 i 89/11).

Nepotpune i neblagovremene prijave neće se uzeti u razmatranje.

Prijave se podnose u zatvorenoj koverti lično ili putem pošte na adresu:

**Grad Sarajevo
Ćemaluša broj 9**

71000 Sarajevo

Sa naznakom: „PRIJAVA NA JAVNI OGLAS - NE OTVARAJ”

GRADONAČELNIK

Samir Avdić, s.r.